



# HE HĪMENE ERA O TE QUIRQUINCHO

RAPA NUI



**eligevivir**  
— SIN DROGAS —

## HE HĪMENE ERA O TE QUIRQUINCHO

'E pō kere-kere nō 'ā te henua 'i ruŋa i te kāiŋa paka-paka era o Atacama, 'i te kona era 'o ruŋa o Tire. Tū kona take'o haumārū era, ko topa 'ā te homo i te ki-kiu o te poki vahine 'iti-'iti e tahi.

—'A Killa ko māui-ui 'ā i te pū'oko —'e kī era tō'ona matu'a vahine, 'ai ka haka roŋo nō i te tira o te poki hai ŋutu era ō'ona.

Ko huki 'ā e te matu'a tane hai pānio rari 'i ruŋa i te pū'oko 'e i ruŋa i te kōpū o tū poki era. 'Ai ka noho nō 'ararua 'i muri o tū poki era, ko haka haumārū 'ā.

'I haho o te hare, te re'o nehe-nehe e tahi ko ha'amata 'ā ko hīmene mai 'ā:

*Mo te 'atua Inti, he matu'a era o te Ra'ā, 'e haka mā'eha i te tātou māhatu.*

*'He haka ora i tu'u hakari mo riva-riva ō'ou.*

*'Te here 'e te rā'au he hā'ū'ū atu ki a koe.*

*'E hāpa'o atu mātou i a koe 'i roto i te kāiŋa.*

Hai hīmene nei, i te topa iŋa o te ra'ā, he ha'amata a Killa, he riva-riva tō'ona pū'oko 'e he 'ina he taŋi haka 'ou, ko koa 'ā.



Tō'ona ŋā matu'a era 'e a ia, ko haŋa 'ā mo 'ite a 'ai e hā'ū'ū, 'e, he haka hāhine ki te hi'o o te hare.

—'Ai e tahi manu 'iti-'iti 'e hīmene 'ā! —'e kī era e te poki 'e ko 'uira 'ā te mata.

—'Ē-ē e vovo ē —pāhono era e te matu'a vahine—. He quirquincho e tahi, 'i nei e noho ena ko tu'u 'ā pē tātou 'ā. Ka u'i rā koe i tō'ona tu'a ivi, pūai ri'a-ri'a mo hāpa'o i a ia.

—He vari he oho era au 'a haho o to'u hare nehe-nehe —kī era e te quirquincho, 'a oho haŋa era— 'i ŋaro'a mai era te taŋi o tū poki 'iti-'iti era. He tiaki au pē nei ē, tā'aku hīmene era, he me'e riva mo hā'ū'ū i a ia.

—He hā'ū'ū ri'a-ri'a, 'e he māui-ui nō 'ā —'i pāhono era e te matu'a tane

—Māhani au i te rā'au e tahi 'e riva nō mo aŋa hai tiare era o te Saúco, rā'au hope'a o te riva mo haka ora tū poki era. 'A mātou te quirquincho ko ma'a 'ā i te rā'au tupuna. 'Ī au he oho he to'o mai!



He tiaki nō 'ā mātou mo tu'u mai o te rā'au tupuna, he tunu e tū nā matu'a era o Killa i te tihopu, he unu kora'iti e tū poki era 'ai ka hīmene nō ki tū quirquincho era.

*Mo te 'atua Inti, he matu'a era o te Ra'ā, 'e haka mā'eha i te tātou māhatu.*

'I te hetu era te 'ōpani, he aņi-aņi ko tu'u mai 'ā tū quirquincho era.

—'O te matu'a henua, o te pachamama, i mahia mai, hai here, nā tiare era o te Saúco mo hā'ū'ū ki a Killa mo ora. Mā'aku e hāpī atu i te aņa.

'I unu era tū poki era i te rā'au aņa era e tō'ona nā matu'a era, he ora rō 'ai.


—Māuru-uru taina quirquincho, o te hā'ū'ū mai.

—Ko rova'a 'ā kōrua i te karu era o te here 'i roto i te ta'u atu pē tu'a —e kī era, 'ai ka u'i nō ki te mata o te matu'a tane, he kī—: 'I 'iti-'iti nō 'ā au he ņaro au 'e he haņa e te nu'u pu-puhi manu, mo'a'aru i a au mo ho'o. He tahuti au he tahuti, he rova'a i a au te taure'a-re'a e tahi, he hāpa'o mai i tō'ona hare. 'I popohaņa era, he ma'u i a au ki muri i tō'oku hua'ai.

Te matu'a era o Killa ko koromaki atu 'ā i tū 'a'amu era, he haka hāhine ki a ia he ha'i. Kai mana'u e ia pē nei ē, ko ia 'ō tū manu hā'ū'ū era, ko rahi 'ā te ta'u.

Mai rā mahana, he hāpa'o he oho rō ai ko te taņata ko te quirquincho, te tiare, he puma, he cóndores 'e he flamencos, ta'ato'a 'i roto i te rāua kāiņa, 'ai ka haka mahana nō mai, e te matu'a era, o te ra'ā.





**eligevivir**  
— SIN DROGAS —